


中國古典名著百部

老子·莊子·墨子·荀子



子子子子

老庄墨荀

中国社会出版社

老子

(周) 李耳 撰



上篇·道经

一 章

“道”可道，
非常道；
“名”可名，
非常名。
无名，天地之始；
有名，万物之母。
故常无，欲以观其妙；
常有，欲以观其徼。
此两者，同出而异名，同谓之“玄”；
玄之又玄，众妙之门。

二 章


天下皆知美之为美，
斯恶已；
皆知善之为善，
斯不善已。
故有无相生，
难易相成，



长短相（较）〔形〕，
高下相倾；
音声相和，
前后相随。
是以圣人处无为之事，
行不言之教；
万物作焉而不辞，
生而不有，
为而不恃；
功成而弗居，
夫唯弗居，
是以不去。

三 章

不尚贤，
使民不争；
不贵难得之货，
使民不为（盗）；
不见（可欲）〔欲可〕，
使民（心）不乱。
是以圣人之治：
虚其心，
实其腹，
弱其志，
强其骨，
常使民无知无欲；
使夫智者不敢、〔不〕为（也），
（为无为）则无不治。



四 章

道冲，
而用之或不盈；
渊兮，
似万物之宗。
挫其锐，
解其纷；
和其光，
同其尘。
湛兮，
似或存；
吾不知谁之子，
象帝之先。

五 章

天地不仁，
以万物为刍狗；
圣人不仁，
以百姓为刍狗。

天地之间，
其犹橐籥乎？
虚而不屈，
动而愈出。
多言数穷，



不如守中。

六 章


谷神不死，
是谓玄牝。
玄牝之门，
是谓天地根。
绵绵若存，
用之不勤。

七 章

天长地久。
天地所以能长且久者，
以其不自生，
故能长（生）〔久〕。
是以圣人后其身而身先，
外其身而身存。
非以其无私邪？
故能成其私。

八 章

上善若水，
水善利万物而不争，
处众人之所恶，
故几于道。



居善地，
心善渊，
与善仁，
言善信，
正善治，
事善能，
动善时。
夫唯不争，
故无尤。

九 章

持而盈之，
不如其已；
揣而棖之，
不可长保。
金玉满堂，
莫之能守；
富贵而骄，
自遗其咎。
功遂身退，
天之道〔载〕。

十 章

（载）营魄抱一，
能无离乎？
专气致柔，



能婴儿乎？
涤除玄览，
能无疵乎？
爱民治国，
能无（知）〔为〕乎？
天门开阖，
能（无）〔为〕雌乎？
明白四达，
能无（为）〔知〕乎？

生之畜之，
生而不有，
为而不恃，
长而不宰，
是谓玄德。

十一章

三十辐，
共一毂，
当其无，
有车之用；
埴埴以为器，
当其无，
有器之用；
凿户牖以为室，
当其无，
有室之用；
故有之以为利，



无之以以为用

十二章

五色，
令人目盲；
五音，
令人耳聋；
五味，
令人口爽；
驰骋田猎，
令人心发狂；
难得之货，
令人行妨；
是以圣人为腹不为目，
故去彼取此。

十三章

宠辱若惊，
贵大患乃身。

何谓宠辱若惊？
宠为下，
得之若惊，
失之若惊。

何谓贵大患乃身？




吾所以有大患者，
为吾有身；
及吾无身，
吾有何患？

故贵以身为天下，
若可寄天下；
爱以身为天下，
若可托天下。

十四章

视之不见，
名曰“夷”
听之不闻，
名曰“希”；
搏之不得，
名曰“微”。
此三者，
不可致诘，
故混而为一。

其上不皦，
其下不昧，
绳绳不可名，
复归于无物。
是无状之状，
无（物）〔象〕之象，
是谓惚恍。



迎之不见其首，
随之不见其后。
执古之道，
以御今之有；
能知古始，
是谓道纪。

十五章

古之善为（士）〔道〕者，
微妙玄通，
深不可识；
夫唯不可识，
故强为之容。

豫（焉）〔兮〕若冬涉川，
犹兮若畏四邻；
俨兮其若（容）〔客〕，
涣兮若冰之将释；
敦兮其若朴，
旷兮其若谷，
混兮其若浊。

孰能浊以〔止〕
静之徐清？
孰能安以久，
动之徐生？
保此道者不欲盈；



夫唯不盈，
故能蔽而（不）〔新〕成。

十六章

致虚极，
守静笃。
万物并作，
吾以观〔其〕复。

夫物芸芸，
各复归其根。
归根曰静，
是谓复命。
复命曰常，
知常曰明。

不知常，
妄作凶；
知常容，
容乃公。
公乃（王）〔全〕，
（王）〔全〕乃天。
天乃道，
道乃久，
没身不殆。

十七章

太上，



下知有之；
其次，
亲而誉之；
其次，
畏之；
其次，
侮之。


信不足，
焉有不信（焉）。
悠兮其贵言，
功成事遂，
百姓皆谓“我自然”。

十八章

大道废，
有仁义；
（慧）智〔慧〕出，
有大伪。
六亲不和，
有孝慈；
国家昏乱，
有忠臣。

十九章

绝圣弃智，



民利百倍；
绝仁弃义，
民复孝慈；
绝巧弃利，
盗贼无有。
此三者，
以为文不足，
故令有所属：
见素抱朴，
少私寡欲；
〔绝学无忧〕。

二十章

（绝学无忧
唯之与阿，
相去几何？
善之与恶，
相去（若何）〔何若〕？
人之所畏，
不可不畏。
荒兮，
其未央哉！

众人熙熙，
如享太牢，
如春登台；
我独泊兮，
其未兆，

如婴儿之未孩。

儼儼兮，
若无所归。
众人皆有余，
而我独若遗。
我愚人之心也哉
沌沌兮！
俗人昭昭，
我独昏昏！
俗人察察，
我独闷闷！

澹兮其若海，
颺兮若无止。
众人皆有以，
（而）我独顽似鄙。
我独异于人，
而贵食母。

二十一章

孔德之容，
惟道是从。
道之为物，
惟恍惟惚。
惚兮恍兮，
其中有象；
恍兮惚兮，